



Jadual Pembacaan Khutbah Jumaat

Siri 3/ 2024 (Mac Tahun 2024)

Bil.	Tajuk	Tarikh
1.	REFORMASI KOREKSIONAL MEMBANGUN PERADABAN	1 Mac 2024M/ 20 Syaaban 1445H
2.	PERSIAPAN BERTEMU MADRASAH RAMADHAN	8 Mac 2024M/ 27 Sya'aban 1445H
3.	SEPERTIGA MALAM ANUGERAH TERINDAH	15 Mac 2024M/ 4 Ramadhan 1445H
4.	Khutbah sempena Nuzul al-Quran: MENGHAYATI TUJUAN AL-QURAN DITURUNKAN	22 Mac 2024M/ 11 Ramadhan 1445H
5.	TAWARAN EKSKLUSIF RAMADHAN	29 Mac 2024M/ 18 Ramadhan 1445H
Khutbah Kedua		

Dibiayai oleh:



Zakat Pulau Pinang

Diterbitkan oleh:



Jabatan Hal Ehwal Agama
Islam Pulau Pinang



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBhg. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Tuan Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



PERSIAPAN BERTEMU MADRASAH RAMADHAN

8 Mac 2024M/ 27 Sya'aban 1445H

الْحَمْدُ لِلَّهِ الَّذِي بِنِعْمَتِهِ تَتِمُّ الصَّالِحَاتُ، أَحْمَدُهُ سُبْحَانَهُ وَتَعَالَى أَنْ أَتَمَّ عَلَيْنَا صِيَامَنَا وَبَلَّغَنَا خِتَامَ شَهْرِنَا.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُ اللَّهِ وَرَسُولُهُ.
صَلَّى اللَّهُ وَسَلَّم عَلَى النَّبِيِّ الْكَرِيمِ مُحَمَّدٍ وَآلِهِ وَأَصْحَابِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَاتَّقُوا اللَّهَ تَعَالَى وَأَطِيعُوهُ، وَأَحْسِنُوا خِتَامَ شَهْرِكُمْ بِخَيْرِ عَمَلِكُمْ، وَالْزِمُوا أَنْفُسَكُمْ بِعَهْدِكُمْ، وَالِاسْتِمْرَارِ عَلَى طَاعَةِ رَبِّكُمْ.

PARA TETAMU JUMAAT YANG DIKASIHI SEKALIAN,

Di hari yang penuh kemuliaan ini, khatib menyeru agar kita sama-sama meningkatkan ketaqwaan kepada Allah سُبْحَانَهُ وَتَعَالَى dengan melakukan segala suruhan-Nya dan menjauhi segala yang ditegahnya. Mudah-mudahan Allah memberikan kesihatan tubuh badan yang baik kepada kita semua untuk mencari rezeki yang halal dan melaksanakan ibadah khususnya ibadah puasa di bulan Ramadhan yang bakal menjelma beberapa hari lagi.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada



mendengar khutbah dan isi kandungannya. Ini termasuklah perbuatan berbual-bual, tidur dengan sengaja dan bermain telefon bimbit. Mimbar pada hari ini akan membicarakan khutbah bertajuk: **“Persiapan Bertemu Madrasah Ramadhan.”**

SIDANG JUMAAT YANG DIHORMATI SEKALIAN,

Sungguh cepat masa berlalu. Sama ada kita sedar atau tidak, kita telah hampir bertemu dengan bulan Ramadhan.

Sejak awal bulan Rejab lagi, kita telah berdoa untuk mendapatkan keberkatan di bulan Rejab dan Syaaban seterusnya dipanjangkan usia untuk bertemu dengan bulan Ramadhan. Dalam sebuah hadis Riwayat At-Tobarani, terdapat doa dalam kalangan salafussoleh ketika ingin memasuki bulan Ramadhan iaitu:

اللَّهُمَّ سَلِّمْ لِي رَمَضَانَ، وَسَلِّمْ رَمَضَانَ لِي، وَتَسَلِّمْهُ مِنِّي مُتَقَبِّلًا

Maksudnya: *“Ya Allah, sejahterakanlah aku sehingga datangnya Ramadhan, sejahterakanlah Ramadhan bagiku dan terimalah daripadaku (ibadah pada bulan itu).”*

Oleh itu, kita sewajarnya melakukan persediaan yang sepatutnya bagi memasuki bulan Ramadhan yang penuh keberkatan.

SIDANG JUMAAT YANG DIMULIAKAN,

Pada ayat 183 daripada Surah al-Baqarah, Allah **سُبْحَانَهُ وَتَعَالَى** berfirman:

يَا أَيُّهَا الَّذِينَ ءَامَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴿١٨٣﴾

Maksudnya: *“Wahai orang-orang yang beriman! Kamu diwajibkan berpuasa sebagaimana diwajibkan ke atas orang-orang yang dahulu daripada kamu, supaya kamu bertakwa.”*

Kedatangan Ramadhan bukan hanya sekadar melengkapkan kalendar hijriah semata-mata, namun kehadiran bulan suci ini bagaikan sebuah madrasah yang mendidik dan mentarbiah jiwa manusia dengan ibadah puasa agar mencapai ketakwaan di sisi Allah. Walaupun cuma datang sekali dalam setahun, namun ia membawa ganjaran dan nikmat yang besar bagi umat Islam.

Hakikat ini dapat dibuktikan dengan pelbagai ganjaran Istimewa yang disediakan buat mereka yang benar-benar mencari keredhaan Allah. Bukan sahaja pahala ibadah digandakan dengan banyaknya, malah sebuah pintu dikhususkan di dalam syurga buat mereka yang berpuasa dengan penuh keimanan dan pengharapan iaitu dikenali sebagai *“ar-Rayyan”*.

Daripada Sahl رَضِيَ اللَّهُ عَنْهُ, Nabi صَلَّى اللَّهُ عَلَيْهِ وَسَلَّمَ telah bersabda:

إِنَّ فِي الْجَنَّةِ بَابًا يُقَالُ لَهُ الرَّيَّانُ، يَدْخُلُ مِنْهُ الصَّائِمُونَ يَوْمَ الْقِيَامَةِ، لَا يَدْخُلُ مِنْهُ أَحَدٌ غَيْرُهُمْ، يُقَالُ: أَيْنَ الصَّائِمُونَ؟ فَيَقُومُونَ، لَا يَدْخُلُ مِنْهُ أَحَدٌ غَيْرُهُمْ، فَإِذَا دَخَلُوا أُغْلِقَ، فَلَمْ يَدْخُلْ مِنْهُ أَحَدٌ.

Maksudnya: *“Sesungguhnya di dalam syurga terdapat pintu yang dinamakan ar-Rayyan. Orang-orang yang berpuasa akan masuk melaluinya (pintu tersebut) pada hari Kiamat, serta tidak ada seorang pun selain daripada mereka yang akan masuk melaluinya (pintu itu).”*

Dinyatakan: “Di manakah orang-orang yang berpuasa?” Lalu mereka pun berdiri. Tidak ada seorang pun selain daripada mereka yang akan masuk melaluinya (pintu itu). Apabila mereka telah masuk, pintu itu ditutup, dan tidak ada seorang pun yang masuk (lagi) melaluinya.”

MUSLIMIN YANG DIMULIAKAN ALLAH,

Terdapat beberapa persediaan yang perlu kita lakukan sebelum memasuki madrasah Ramadhan iaitu seperti berikut:

Persediaan yang pertama ialah menuntut ilmu berkaitan hukum hakam puasa dan ganjaran amalan di bulan Ramadhan.

Seseorang manusia yang melakukan ibadah dengan ilmu pengetahuan amat disukai oleh Allah ﷻ berbanding dengan seseorang yang melakukan sesuatu ibadah tanpa ilmu pengetahuan. Begitu pentingnya kita melakukan amal ibadah yang terbaik termasuklah puasa di bulan Ramadhan daripada panduan syara' yang benar. Rasulullah ﷺ bersabda:

طَلَبُ الْعِلْمِ فَرِيضَةٌ عَلَى كُلِّ مُسْلِمٍ

Maksudnya: “Menuntut ilmu adalah satu kewajipan ke atas setiap muslim.” (Hadis Riwayat At-Tobarani dan Al-Baihaqi)

MUSLIMIN YANG DIRAHMATI ALLAH ﷻ,

Persediaan kedua yang boleh dilakukan adalah dengan melatih diri dengan memperbanyakkan amal ibadah.

Pastinya tidak lengkap sekiranya *lhya' Ramadhan* tidak diterjemahkan dengan ibadah fardhu mahupun sunat dengan sempurna. Walaupun sekecil-kecil amalan akan digandakan pahalanya oleh Allah **سُبْحَانَهُ وَتَعَالَى**.

Oleh yang demikian, sebelum memasuki bulan yang penuh ganjaran dan keampunan daripada Allah **سُبْحَانَهُ وَتَعَالَى** ini, kita disarankan supaya melatih diri dengan pelbagai ibadah seperti solat sunat, membaca al-Quran, berzikir, memperbanyakkan iktikaf di masjid, bersedekah dan sebagainya. Amatlah malang dan rugi bagi seseorang manusia seandainya Ramadhan yang bakal tiba nanti dipenuhi dengan pesta juadah makanan dan minuman, sedangkan antara tujuan utama puasa di bulan Ramadhan adalah untuk menundukkan nafsu syahwat dan merasai keperitan mereka yang terpaksa berlapar akibat tidak mempunyai makanan.

Betapa pentingnya memperbanyakkan ibadah di bulan Ramadhan seperti yang tercatat dalam sebuah hadis daripada Abu Hurairah **رَضِيَ اللَّهُ عَنْهُ** menyebutkan:

**أَنَّ جِبْرِيلَ عَلَيْهِ السَّلَامُ كَانَ يُعَرِّضُ عَلَى النَّبِيِّ صَلَّى اللَّهُ عَلَيْهِ وَسَلَّمَ الْقُرْآنَ كُلَّ عَامٍ مَرَّةً،
فَعَرَضَ عَلَيْهِ مَرَّتَيْنِ فِي الْعَامِ الَّذِي قُبِضَ فِيهِ**

Maksudnya: “Sesungguhnya Jibril akan mengulang bacaan al-Quran bersama Nabi **صَلَّى اللَّهُ عَلَيْهِ وَسَلَّمَ** pada setiap tahun sekali dan ketika tahun kewafatan Nabi **صَلَّى اللَّهُ عَلَيْهِ وَسَلَّمَ**, Jibril mengulanginya sebanyak dua kali.”

(Hadis Riwayat Al-Bukhari)

SIDANG JUMAAT YANG DIMULIAKAN,

Persediaan yang ketiga pula adalah perlunya kita melakukan perancangan yang teliti dan keazaman yang tinggi untuk menjadikan Ramadhan kali ini adalah yang terbaik dalam kehidupan kita.

Penjagaan kesihatan tubuh badan yang baik juga amat penting agar kita dapat melaksanakan ibadah puasa dengan penuh ketenangan dan sempurna. Pasti, ibadah puasa akan dapat dilaksanakan dengan penuh penghayatan asbab tubuh badan yang sihat dan bertenaga.

Memperbanyakkan doa dan memohon keampunan kepada Allah **سُبْحَانَهُ وَتَعَالَى** juga perlu dilakukan agar kita memasuki Ramadhan al-Mubarak dengan penuh pengharapan kepada Allah **سُبْحَانَهُ وَتَعَالَى**. Mudah-mudahan dengan gugurnya dosa-dosa, kita lebih proaktif melakukan ibadah. Barangkali dosa-dosa inilah yang akan menghalang kita daripada melakukan ketaatan kepada Allah.

SIDANG JUMAAT SEKALIAN,

Marilah kita bersama-sama menghayati intipati daripada khutbah yang dibacakan tadi:

Pertama: Perintah puasa di bulan Ramadhan mempunyai pelbagai kelebihan dan ganjaran istimewa yang tidak terdapat pada bulan-bulan yang lain.

Kedua: Manusia yang beriman tidak sesekali akan menjadikan Ramadhan yang bakal menjelma berlalu dengan sia-sia tanpa apa-apa amal ibadah.

Ketiga: Beriman kepada janji-janji Allah **سُبْحَانَهُ وَتَعَالَى** , akan menambahkan keyakinan kita kepada Allah dalam setiap amal ibadah termasuklah ibadah puasa.

شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ ... ﴿١٨٥﴾

Maksudnya: “(diwajibkan kamu berpuasa pada) bulan Ramadhan, yang diturunkan padanya al-Quran sebagai petunjuk bagi manusia dan penjelasan mengenai petunjuk itu dan (menjelaskan) perbezaan (antara yang hak dan batil).” (Surah al-Baqarah ayat 185)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ،
أَقُولُ مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ،
فَأَسْتَغْفِرُوهُ، إِنَّهُ هُوَ الْغَفُورُ الرَّحِيمُ.



خطبة كدوا بولن مچ

2024M/ 1445H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ أَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَانْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.



اللَّهُمَّ انْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، اللَّهُمَّ ثَبِّتْ إِيمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Sultan Ibrahim dan Kebawah Duli Yang Maha Mulia Seri
Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزَّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta dapat mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٩٠﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٩١﴾